

Alkitab Sagan Kakanakan

Mengenal akan

Yesus Mambari Makan 5000 Urang



Panulis: Edward Hughes

Nang manggambar: Janie Forest
Alastair Paterson

Nang manyusun: Ruth Klassen

Nang mangartikan: Lega Pitanatal Amiani;
Nadya Cristine Armelia br. Tumorang

Nang mamproduksi: Bible for Children
www.M1914.org

©2023 Bible for Children, Inc.

Ijin: Pian beisi hak sagan menciplak atawa mancetak kisah ni,
sapanjang kada hagan di juali lagi.



Pamimpin-pamimpin agama (disabut urang-urang Farisi) baucap dusta tantang Yesus. Sapalih diantara buhannya mancuba hagan mambunuh Yesus.



Buhannya kada parcaya amun Inya bujur-bujur Anak Allah. Buhannya kada manarima Inya amunpun Inya malakukakan banyak mujizat nang



mambuktiakan amun Inya adalah Anak Allah.



Pas hari ngintu, Yesus manyubarangi Danau Galilea. Inya mambutuhakan sadikit istirahat matan banyak urang nang salalu bakumpul mangalilingi Inya. Tapi

urang banyak ngintu lawan lakas manamuakan Inya. Buhannya tahu amun Yesus malakuakan mujizat-mujizat ganal. Buhannya handak basama lawan Inya.




Yesus mamimpin murid-muridNya hagan naik
ka atas gunung lawan duduk disitu dimana Inya
duduk hagan mangajar. Banyak lawan
labih banyak lagi urang nang datang.
Pas malam sagara tiba.


Satiap urang
marasa lapar.



Yesus melihat kumpulan urang banyak ngintu. "Dimanakah kita pacangan manukar ruti, supaya buhannya ngini dapat makanan?" Inya batakun ka Filipus. DI sakitaran ngintu kada ada wadah hagan manukar makanan. Rancana napa nang pacangan dilakuakan Yesus?




"Pastilah mambutuhkan duit banyak hagan manukar makan samunyaan urang ngini," jawab Filipus ka Yesus. Yesus lawan murid-muridNya kada baisi duit.



Murid nang lain, Andreas
(dansanak Simon Petrus)
baucap ka Inya: "Di sini
ada saurang anak, nang
baisi lima ruti jelai lawan
dua iwak, ..."




"... tapi napakah artinya ngintu hagan urang sabanyak ngini?" Andreas kada tahu kayapa makan siang si anak halus ngintu bisa cukup hagan mambari makan urang sabanyak ngintu - biar si anak lakian ngintu handak mamabariakan makan siangnya ka Yesus.



Yesus manjawab, "Suruhlah urang-urang ngintu duduk." Jadi, urang banyak ngintu duduk, bakalumpuk-kalumpuk sakitar lima ribu urang. Wow! LIMA RIBU URANG! Ngintu

kada tamasuk binian lawan anak-anak nang bagabung disana jua.



Imbah ngintu, Yesus
maambil ruti jelai lawan
iwak ngintu. Anak lakian
halus ngintu parcaya ka
Yesus.



Inya kada tahu kanapa Yesus mambutuhakan makan siangnya, atawa napa nang pacangan dilakuakan Yesus lawan makan siangnya ngintu. Luku inya bapikir, "Amun aku mambariakan sangu makan siangku, aku kada pacangan bisa makan." Tapi inya mambariakannya jua ka Yesus.




Imbah ngintu, Yesus badua. Inya maucap syukur ka Tuhan. Hagan lima ruti jelai lawan dua iwak? Yeas! Yesus "Maucap syukur" ka Tuhan lawan mamuhun Inya mambarkati makanan ngintu.




Sasudah badua, Yesus mambarkati ruti ngintu ka murid-muridNya hagan dibagiakan ka urang banyak ngintu. Ngintulah urang-urang ngintu malihat mujizat nang dilakuakan Yesus. Masing-masing urang maka sabanyak nang buhannya handaki. Wahini ruti jelai lawan iwak-iwak ngintu baguna.



Imbah samunyaan urang makan, masih banyak ruti lawan iwak nang tasisa. "Kumpulakan putungan-putungan nang labih supaya kada ada nang tabuang." Yesus baucap ka murid-muridNya. Buhannya maise dua walas karanjang lawan putungan-putungan matan kalima ruti jelai nang labih imbah urang makan.



Pas hari ngintu, Yesus mambari makan
5000 urang lawan sanga makan siang
saur nag anak lakian halus. Imbah
ngintu, Inya mambari makan 4000
urang lawan tujuh ruti jelai
lawan sadikit iwak.



Pas urang-urang biasa malihat tanda-tanda ngintu, buhannya kada sarik kaya urang-urang Farisi. Malahan buhannya baucap, "Inya ngini dasar bujur-bujur nabi nang pacangan datang ka dalam dunia."



Yesus Mambari Makan 5000 Urang

Sabuting kisah matan Firman Tuhan, Alkitab

Taulih dalam

Yohanes 6

"Amun tabuka, firman-firmanPian mambari
pamahaman." Mazmur 119:130



Tuntung



Kisah Alkitab ni memudah akan sagan kita kaya apa Allah kita nang Hebat tu, sudah mancipta akan kita ni lawan kita handak mambari pengartian mengenal Inya (Tuhan) labih dalam lagi.

Allah tu tahu, pa bila kita ni beulah hal nang kada baik, yang Inya (Tuhan) sambat sabagai dosa. Hukum dosa tu maut, tapi Allah ni sayang banar lawan kita. Inya (Bapa) mangirim akan anakNya, Yesus, sagan mati di kayu salib lawan di hukum oleh dosa-dosa kita. Imbah tu Yesus tu hidup lagi, habis tu tulak ka surga! Pa bila buhan pian percaya dengan Yesus, lawan minta inya ma'ampuni dosa-dosa buhan pian dengan ulun, Inya (Tuhan) menggawinya! Inya (Tuhan) handak datang lawan tinggal di dalam hidup buhan pian berataan, habis tu ulun & buhan pian akan hiduo beimbai Inya (Tuhan) salawasan.

Jaka buhan pian handak babulik dari dosa-dosa pian, pander ja kaya ini ke Tuhan: Allah nang hebat, ulun percaya kalo nya Yesus sudah mati sagan kita, lawan wayah ni hidup lagi. Tamui ja dalam hidup kita, lawan ampuni dosa-dosa ulun, biar ulun bisa beisi hidup nang hanyar wayah ni, lawan suatu saat kena tulak beimbaian dengan Tuhan selawasnya. Tolongi ulun sagan hidup gasan Tuhan sbagai anak Mu (Tuhan) amin.

Bacai Alkitab lawan bepanderan dengan Tuhan
satiap hari! Yohanes 3:19

